



«Նոր ժամանակի կրթություն» ՀԿ
ՀԵՐԹԱԿԱՆ ԱՏԵՍՏԱԿՈՐՄԱՆ ԵՆԹԱԿԱ
ՈՒՍՈՒՑԻՉՆԵՐԻ ՎԵՐԱՊԱՏՐԱՍՏՄԱՆ ԴԱՍԸՆԹԱՑ
ԱՎԱՐՏԱԿԱՆ ՀԵՏԱԶՈՏԱԿԱՆ
ԱՇԽԱՏԱՆՔ

Հետազոտության թեման՝ Էպոսի դերը հայրենասիրության և ազգային
արժեհամակարգի ձևավորման գործում

Առարկան՝ Հայոց լեզու և գրականություն

Հետազոտող ուսուցիչ՝ Նինա Սիմոնյան

Ուսումնական հաստատություն՝ Աքորու միջնակարգ դպրոց

Երևան 2023

Նպատակ

1. Ուսումնասիրել ազգային էպոսի դաստիարակչական ու հայրենասիրություն սերմանող հատվածները համաթխարհային գրականության մեջ:

2. Սասունցի Դավթի կերպարով սովորեցնել հայրենասիրություն սովորողի մոտ:

3. <<Սասունցի Դավիթ>> էպոսի կերպարների վերլուծության շնորհիվ ձևավորել ազգային արժեհամակարգ:

Խնդիրներ

1. Դիտարկել ազգերի պատմության մեջ էպոսի դերն ու նշանակությունը:

2. <<Սասունցի Դավիթ>> էպոսի դասավանդումը դպրոցում որպես արժեհամակարգի ձևավորման միջոց:

3. Ուսումնասիրել <<Սասունցի Դավիթ>> էպոսի դասավանդման մեթոդիկան հիմնական դպրոցի առակերտի համար:

4. Հայրենասիրական մոտիվը <<Սասունցի Դավիթ>> էպոսում:

Բովանդակություն

Ներածություն.....3

Գլուխ 1. Ազգային էպոսներ.....3-5

Գլուխ 2. <<Սասունցի Դավիթ>> էպոսը և նրա դերը ազգային արժեհամակարգի ձևավորման գործում
.....5-7

Գլուխ 3. Հայրենասիրական մոտիվը վիպերգում.....7-16

Գլուխ 4. 9-րդ դասարանում դասավանդելու մի քանի մեթոդներ.....

Եզրակացություն.....16

Գրականության ցանկ.....17

Ներածություն

«Հայկական էպոսը հայ ցեղի սպրած կյանքի և հոգեկան կարողությունների հոյակապ գանձարան է ու իր մեծության անհերքելի վկայությունն աշխարհի առջև»։ Հ. Թումանյան

էպոսը(դյուցազնավեպը) վիպական բնույթի բանավոր մեծածավալ ստեղծագործություն է, որը ձևավորվում է տարբեր ժողովուրդների ստեղծագործական ուժերով՝ ժողովրդի համար բախտորոշ նշանակություն ունեցող պատմական ժամանակաշրջաններում և ներկայացնում է ժողովրդի հավաքական մտածողությունը, ազգային բնավորությունը, կենցաղը, բարքերը, լուսավոր ապագայի անխախտ հավատը: էպոսի գլխավոր հերոսը գերբնական ուժով օժտված ազնիվ ու արդարադատ մարտիկն է:

«Սասունցի Դավիթ» էպոսի համահավաք բնագրի յուրացումը պարտադիր է ոչ միայն ավագ դպրոցի աշակերտների, այլև մանկավարժական համալսարանի և ինստիտուտների բոլոր ֆակուլտետների ուսանողության համար, որովհետև դրանք բոլորը պատրաստում են ապագա ուսուցչին, որն իր ազգային մտածողությամբ ու համամարդկային ընկալումներով առաջադեմ լինելու պարտավորվածությունն ունի:

Աշխատանքում ներկայացված են ազգային էպոսների պատմական ակնարկ, մեր էպոսի դերն ու նշանակությունը համաաշխարհային էպոսագոսության ասպարեզում, վերջինիս՝ իններորդ դասարանում սովորողի դաստիարակչական՝ հայրենասրություն և արժեհամակարգ ձևավորելու գործում դերը, դասավանդման մի քանի տարբերակներ:

Գլուխ 1 Ազգային էպոսներ

Ազգային էպոսը էպիկական բովանդակությամբ էպիկական ժանրի բանաստեղծության կամ գրականության գործ է, որը ավանդաբար ներկայացնում կամ արտացոլում է որևէ ազգի մշակութային կամ ինքնահանաչողական ոգին, դա կարող է վերաբերել նաև ինքնուրույնության կամ անկախության ձգտող որևէ էթնիկական կամ լեզվաբանական խմբի՝ Ազգային էպոսների մեջ հաճախ նկարագրվում է սվյալ ազգային էթնոսի ծագման և զարգացման պատմությունը. կամ պատմության մի մասը, կամ սվյալ ազգության ինքնորոշման կամ ինքնագիտակցման պատմության կարևորագույն դրվագները և այլ ազգային խորհրդանշանների ծագման կամ ընդունման պատմությունը:

Աշխարհի բոլոր ժողովուրդները ունեն էպոսներ.

- «Աթրահասիս» բաբելոնյան
- «Էնունա էլի» բաբելոնա-աֆֆադական

- «Ռամայանա», «Մահաբհարաթա», «Բհագավաթգիտա» հնդկական
- «Իլիական», «Ոդիսական», «Թեոգոնիա», «Արգոնավորդներ», «Ֆիլիադա» հունական • «Էնեական» հռոմեական/իտալական
- «Դիգենիոս Ակրիտոս» բյուզանդական
- «Աստվածաբանության մասին» հին գերմանական
- «Աստվածաբանության մասին», «Կուդրուն» միջնադարյան գերմանական
- «Ավագ Էդդա», «Կրտսեր Էդդա» սկանդինավյան
- «Աստվածաբանության մասին»
- «Երգ Հայավաթայի մասին» ամերիկյան
- «Բեովուլֆ» անգլոսաքսոնական
- «Վիպսիդ»
- «Ֆինսբուրգի ֆակտամարտը»
- «Բրունանբուրգի ֆակտամարտը»
- «Մելդանի ֆակտամարտը»
- «Վալդերե»
- «Աստվածաբանության մասին», «Բիլինա» ռուսական
- «Բեյբարս» միջնադարյան եգիպտական
- «Աստվածաբանության մասին», «Աստվածաբանության մասին» ֆրանսիական
- «Աստվածաբանության մասին» իսպանական
- «Լուգիադներ» պորտուգալական
- «Կալեվալա» կարելա-ֆիննական
- «Կալևալա» էստոնական
- «Լաչալեիս» լատվիական
- «Օլունիս» յակուտական
- «Ջանգար» կալմիկական
- «Վագրենավորը» վրացական
- «Շահնամե» պարսկական
- «Մանաս» ղրղզական
- «Սանա Ծռեր», «Պարսից պատերազմ» հայկական

- «Ալվիամբո» ուգրեկական, դագախական, կարակալպական
- «Նարտյան էպոս» հյուսիս-կովկասյան (ադրդներ, աբազիներ, աբխազներ և այլն) • «Այյամալ-Արաբ» («Արաբների օրերը») արաբական
- «Ուրալ-բատիր» բաշկիրական

• «Ամիրանիանի», «Էթերիանի» վրացական

• <<Գիլգամեշ>> շումերական

Էպոսների միջազգային մրցույթը կայացել է 1964- ին. մեր էպոսը զբաղեցրել է առաջին տեղը:

«Սասնա ծռեր» էպոսն ընդգրկված է Հայաստանի Հանրապետության ոչ նյութական մշակութային ժառանգության արժեքների ցանկում: Ոչ նյութական մշակութային ժառանգության պաշտպանության կոնվենցիայի Միջկառավարական կոմիտեի 7-րդ նստաբաժանը 2012 թվականի դեկտեմբերի 5- ին «Սասնա ծռեր կամ Սասունցի Դավիթ էպոսի կատարողական դրսևորումները» հայտն ընդգրկել է ՅՈՒՆԵՍԿՕ-ի Մարդկության ոչ նյութական մշակութային ժառանգության ներկայացուցչական ցանկում:

Գլուխ 2 <<Սասունցի Դավիթ>> էպոսը և նրա դերը ազգային արժեհամակարգի ձևավորման գործում

Մեր ժողովրդի էպոսը ստեղծվել է VIII-X դարերում,երբ հայ ժողովուրդը ազգային-ազատագրական պայքար էր մղում արաբների դեմ: Սակայն նրա արմատները մխրեցված են վաղնջական ժամանակների խորքերում, առասպելական ու պատմական գրույցներում: Այս դարերում է վերջնականապես ձևավորվել, որովհետև հայ ժողովուրդը վերակերտեց իր թագավորությունը՝ Բագրատունիների հարստության հաստատմամբ. Սկսվեց խաղաղ կյանքի հարյուրամյա ժամանակաշրջանը, և մեր ժողովուրդը անմահացրեց իր անձնուրաց գավակների հերոսական կերպարները և հայրական կոնիվների արդյունքում վերականգնված պետականության կառուցումը: Վիպասացների և բանահավաքների կողմից այն կոչվել է նաև «Սասնա վահլևաններ», «Սասնա տուն», «Ջոջանց տուն», «Սասունցի Դավիթ կամ Մհերի դուռ», «Դավիթ և Մհեր», «Դավթի պատմություն», «Դավթի հեֆիաթ» և այլն: Էպոսի գաղափարական ոգին հայ ժողովրդի հերոսական մաքառումն է թեմամիների դեմ՝ հանուն ժողովրդի ազատության և անկախության, հայրենիքի և պետականության պահպանման:

5

Էպոսը համահավաք տարբերակով կոչվում է «Սասնա ծռեր»: «Ծռու» բառն այս պարագայում ունի իմաստային մի բանի նշանակություններ՝ դիվախար, խենթավուն, խելահեղ ֆաջ և այլն: Տվյալ հատկանիշներից յուրաքանչյուրն էպոսի հերոսների համար բնորոշ է այս կամ այն պարագայում: «Սասնա ծռեր» էպոսը կառուցվածքային առումով կազմված է վիպական չորս մասերից կամ՝ հյուղերից, որոնցից յուրաքանչյուրը կոչվել է տվյալ հյուղի գլխավոր հերոսի անունով՝ «Սանասար և Բադդասար», «Մեծ Մհեր», «Սասունցի Դավիթ», «Փոփր Մհեր»: Հերոսների այս չորս սերունդը միմյանց հետ կապված են ազգակցական կապերով: «Սասնա ծռերի» ամենաբնորոշ գիծը հերոսական անպարտելի ոգին է՝ պայմանավորված նրա նախահիմքում ընկած առասպելական դրուցագույնների սխրանքներով և հայ ժողովրդի՝ իր ոստիների, հատկապես արաբական բռնակալության դեմ մղած դարավոր պայքարով: Էպոսի ստեղծման հստակ թվականը մեզ հայտնի չէ, բանի որ վերջինս գալիս է ժամանակի խորքից և ունի պատմական խոր ակունքներ: Էպոսի պատմաներից մեկը 1874


թվականին գրի է առել Գարեգին Սրվանձոյանցը՝ հրատարակելով «Սասունցի Դավիթ կամ Միերի դուռ» վերնագրով: 1889 թվականին էպոսի մի տարբերակ գրի է առել Մանուկ Աբեղյանը, իսկ արդեն 1939 թվականին Հովսեփ Օրբելին՝ էպոսագետների խմբի հետ մեկտեղ, ստեղծում է 60 պատումներից բաղկացած համահավաք բնագիր՝ Համահավաք բնագիրը թարգմանվել է ֆրանսերեն, չինարեն, անգլերեն (թարգմանիչ՝ Լևոն Զավեն Սյուրմեյան), հունարեն, ռուսերեն, գերմաներեն, վրացերեն, թուրքերեն, ադրբեջաներեն և այլ լեզուներով:

«Սասնա ծռերի» գրական մշակումները սկսվել են դեռևս 1890-ական թվականներից, սակայն Դավիթի հյուղի լավագույն մշակումը համարվում է Հովհաննես Թումանյանինը («Սասունցի Դավիթ», 1903 թ.): Փոփր Միերի հյուղը բանաստեղծական մշակման են ենթարկել ուսու բանաստեղծ Ա.Կուլեբյակինը («Միերի դուռ», Թիֆլիս, 1916 թ.) և Ավետիք Իսահակյանը («Սասնան Միեր», 1922 թ.): Դավիթի հյուղը մշակել է նաև Եղիշե Զարենցը («Սասունցի Դավիթը», 1933 թ.) և ուրիշներ: Այժմ հայտնի են «Սասնա ծռեր» էպոսի շուրջ 150 պատումներ: Դրանց զգալի մասը տպագրված է: Սակայն դպրոցում և բարձրագույն ուսումնական հաստատություններում ուսուցանվում է «Սասունցի Դավիթ» էպոսի համահավաք բնագիրը, որը լույս տեսավ 1939 թվականին՝ ակադեմիկոս Հովսեփ Օրբելու մեծաթիվ նախաբանով և առավել բարձրաթիվ ծանոթագրություններով: Ահա թե ինչ է գրում Ֆ.Ֆեյդին «Սասունցի Դավիթ» էպոսի համահավաք բնագրի վերաբերյալ. «Կարդալով այս ծավալուն ու հոյակապորեն ստեղծված էպոսը՝ կարելի է մտածել, թե այն գերազանց գիտնականների վերածուլած մի ծաղիկափայլ է: Նման բան չկա: Հանձնախմբի անդամները վերաշինել են բնագիրը բանասիրական մանրակրկիտությամբ և գիտական ընդունված խստությամբ: Նրանք չեն ավելացրել անգամ մի տող՝ ծայրը ծայրին բերելու համար: Ողջ բնագիրը ժողովրդական մայր երակից է» :

6

Ակադեմիկոս Հովսեփ Օրբելին էպոսին կցված իր նախաբանում նշում է, թե ովքեր էին այն հմուտ բանագետները, որոնք կազմեցին 1939թ. տպագրված բնագիրը: Նրանք են Մանուկ Աբեղյանը, Գևորգ Աբովը և Արամ Ղանալանյանը: Էպոսի համահավաք բնագրի վերջում դրված են բարբառային բառերի բացատրական բառարան և էպոսում նշված վայրերի անունները:

Էպոսի դյուցազունները՝ Սասնա տերերը, առաջին հերթին մտածում են իրենց ժողովրդի բարօրության մասին: Նախամայր Ծովինարը հանուն իր ազգի դիմում է անձնագոհության, նրա չորրորդ աստիճանի ժառանգ Փոփր Միերը փակվում է Ագուավաճառում և սպասում համայն մարդկության երջանիկ ու բարեկեցիկ ապագային: Ակամա հիշում ենք Հովհաննես Թումանյանի 1915-ին գրված «Հայրենիքիս հետ» մարգարեական բանաստեղծությունը, որն ավարտվում է համայն մարդկության կյանքի պայծառ արժանաչ երազանքով:



Գլուխ 3. Հայերենասիրական մոտիվը վիպերգում

Հայ ժողովրդական բանահյուսության հնամենի գանձերին անդրադառնալիս տեսնում ենք նրա ամենամեծ արժեքը՝ «Սասնա ծռեր» վիպերգը, որի իր ճյուղերից մեկի անունով հայտնի է որպես «Սասունցի Դավիթ Էպոս »: Այս վիպերգի փառքը ավելի է տարածվում աշխարհով մեկ և արժանանում է միջազգային ճանաչման ու գնահատանքի:

Էպոսն իր հիմնական բովանդակությամբ արտացոլում է Հայաստանում մոտ 250 տարի տևած արաբական լուծը: Էպոսի ընդգրկված ժամանակահատվածը VII-X դարերն են: Սակայն Էպոսի պատումների ստեղծումը կապվում է ավելի ուշ ժամանակների հետ¹: Վիպերգի հիմքում ընկած են բազմաքանակ ապստամբություններ, որոնք հայերը մղել են արաբական խալիֆաթի նվաճողական քաղաքականության դեմ: Ապստամբություններից մեկը մեզ է հասել խութեցիների ապստամբությունն անունով: Խութեցիների ըմբոստացումը տեղի է ունեցել 851 թվականին Յովհաննի գլխավորությամբ: Խութեցիները հաղթել են արաբներին և սպանել

Յուսոֆ (Յովսեփ) ոստիկանապետին: Այդ մասին մանրամասն պատմում է Թովմա Արծրունին իր «Պատմություն Արծրյունյաց տան» մատյանում :

Եպոսի առաջին գրառողը, որը նաև հայ Եպոսագիտության հիմնադիրն է, Գարեգին Սրվանձտյանցը մեր ազգային վիպերգի առաջին ճյուղը կապում է նախաքրիստոնեական ժամանակների հետ: Ասորեստանի Սենեքերիմ թագավորը իր Ադրամելիք և Սանասար որդիներին պետք է զոհ մատուցեր կուռքերին, սրանք էլ սպանեցին իրենց հորը և փախան եկան Սասուն: Եպոսի մեջ այս դեպքերը դարերի հեռավոր արձագանքով հասել են մինչև XIX դարի վերջը և XX դարի սկիզբը՝ մինչև Եպոսի գրառումները:

Եպոսն առաջին անգամ գրառել է հայ բանագիտության մեծ երախտավոր Գարեգին Սրվանձտյանցը: Նա լսել էր մեր ազգային վիպերգի գոյության մասին և երեք տարի եռանդագին որոնում էր , մինչև գտավ առաջին ասացողին՝ Մշո դաշտի Առնիստ գյուղի բնակիչ Կրպոյին , որին խնամել է,, խրախուսել, և վերջինս պատմել ` մեր վիպերգը՝ խոստովանելով , թե իր պատմածը թերի է, իր վարպետը ավելի երկար էր պատմում, և նրա ասքը շատ տեղերում ընդհատվում էր երգերով:

Գարեգին Սրվանձտյանցը իր գրառած պատումին կցել է բանասիրական բացատրություններ, պատմական ճշգրտումներ, դավանաբանական մեկնություններ, որոնք ընդունվեցին հետագա Եպոսագետների կողմից:



8

Գարեգին Սրվանձտյանցը Եպոսին կցված բառաչաբանում ցավով խոսում է նաև իր ժամանակներում նման գործերի նկատմամբ եղած անտարբերության մասին, նա մտավածություն ունի , թե «Գրոց եւ բրոց» գրքույկը ու իր անձը կունենան արհամարհողներ, սակայն իրեն քաջալերված կհամարի, եթե համրանքով գեթ քան հոգի հավանեն իր գործը, և կշարունակի բանագիտական իր գործունեությունը՝ խրախույս կարդալով ուրիշներին, որ հետևել իրեն, աշխատասիրություն ձեռք բերեն և հրատարակեն նման գրվածքներ:

Հաղթեց բանագետի համառ կամքը, և նրա լուսավոր ճանապարհով ընթացան նոր բանահավաքներ և Եպոսագետներ: Դրևցից են Մանուկ Աբեղյանը, Երվանդ Լալայանը, Սարգիս Հայկունին, Կարո Մելիք-Օհանջանյանը, Սարգիս Հարությունյանը և ուրիշներ:

«Սասունցի Դավիթ» Էպոսի առաջին գրառումը լույս է տեսել 1874-ին «Գրոց Եւ Բրոց, Սասունցի Դավիթ և Միեր» խորագրով:

1930-ական թվականներին հայ Էպոսագիտությունը մտնում է իր զարգացման նոր փուլը: Էպոսագետներ Մ. Աբեղյանի և Կ. Մելիք-Օհանջանյանի ջանքերով մինչ այդ հրատարակված 47 տարբերակները ամփոփվում են երեք ստվարածավալ հատորների մեջ և հրատարակվում 1936,1944,1951 թվականներին:

1939 թվականին հրատարակվում է «Սասունցի Դավիթ» Էպոսի համահավաք բնագիրը(կազմողներ՝ Մ. Աբեղյան, Գ. Աբով, Ա. Ղանալանյան), և Խորհրդային Միության մեջ մեծ հանդիսավորությամբ նշվում է հայ ժողովրդական հերոսական Էպոսի 1000-ամյա հոբելյանը: Համահավաք բնագրի առաջաբանը գրել է նշանավոր հայագետ Հովսեփ Օրբելին:

«Սասնա ծռեր» վիպերգն իր մեջ պարունակում է հայ ժողովրդի ազգային երազանքները: Էպոսը՝ որպես գրական տեսակ, աչքի է ընկնում իր խոր պատմականությամբ և շեշտված ազգային բովանդակությամբ: Ամեն ժողովրդի Էպոս տվյալ ազգի անձնագիրն է, նրանով նա իրավունք ունի ներկայանալու աշխարհին: Մեր Էպոսը խորապես ազգային է , նրանում երևում են մեր ազգային բնավորության հիմնական գծերը:

Մեր Էպոսը տոգորված է ջերմ հայրենասիրությամբ: Հայրենասիրության առաջին օրինակը ցուցադրում է Էպոսի դյուցազունների մայրը՝ Ծովինարը, որը Հայոց Գագիկ թագավորի դուստրն է:

Արաբական խալիֆը հարկի դիմաց պահանջում է Ծովինարին: Գագիկ թագավորը սարսափում է այդ մտքից, որովհետև արաբական խալիֆը քրիստոնյա չէր:

Սկսում են քննարկել տարակարծությունները, որովհետև մերժման դեպքում խալիֆը սպառնում է ավերել Հայոց աշխարհը: Իր հորը ծանր կացությունից փրկում է Ծովինարը. նա բացատրում է իր անձնագրության կարևորությունը և համոզում է հորը.

- Որ ես էն կռապաշտ թագավոր չառնեմ,
- Չամեն տի սպանի իմ պատճառով,
- Աղեկն էն է, ես էրթամ,
- Ուրիշ մարդու թող բան չլընի:

Հայրենասիրական այս արմատից են ծնվում Սասնա դյուցազունները և իրենց գործերով ապացուցել են անսահման նվիրվածությունը հայրենի հողի և նրա սրբությունների նկատմամբ: Էպոսի բոլոր ճյուղերի հանգուցակետը երրորդն է՝

Սասունցի Դավթի ճյուղը, և, իհարկե, ամենահայրենասիրականը: Դավթին հաջողվում է ոչ միայն ազատել հարկերից Սասունը՝ Յայաստանը, այլև դուրս քաշել օտար զավթիչներին իր հողից:

Մեր ազգային վիպերգը փառաբանում է աշխատանքը, աշխատավոր մարդուն: Եպոսի գլխավոր հերոսները միշտ օգնում են գյուղացիներին, բոլոր խեղճ մարդկանց: Իրենց բերդը կառուցելուց առաջ Սանասարը և Բաղդասարը նախ տներ են կառուցում հասարակ մարդկանց համար.

- Առաջ շինենք գեղոնց տներ,
Ու նոր շինենք զմեր բերդ.

Իրենց կառուցած հզոր բերդի անունն էլ Սանասարը և Բաղդասարը դնում են ըս մի ծեր պապիկի բնորոշման՝ Սասուն: Սանասարն ու Բաղդասարը Յայոց Գագիկ թագավորի թոռներն էին, սակայն իրենց վարքագծով նարնք տարբերակում չեն դնում տոհմիկ արքայազնի և հասարակ ու պարզ մարդկանց միջև, շարունակ մտածում են ուրիշների մասին, պարզում նրանց իրենց հոգատարությունն ու ջերմությունը:

«Սանա ծեր» վիպերգում դյուցազունները պայքարում են ոչ միայն արտաքին նվաճողների դեմ, այլև հանուն երկրի ներքին կյանքի արդարության: Նրանք չեն հանդուրժում գերհարուստ վիշապներին և դևերին, խլում են հարստությունը նրանցից և հալալ ձևով բաժանում հողի աշխատավորներին:

Երկրորդ ճյուղի գլխավոր հերոսը՝ Միերը, իր քաջագործությունը կատարում է հանուն իրբերկրիբժողովրդի: Նա սպանում է Սասուն եկող հացի ժանապարհը փակող առյուծին և կոչվում է Առյուծաձև Միեր, այսինքն՝ առյուծ պատռող Միեր:

Մեր Եպոսում կա մի խորհրդանշական իմաստ պարունակող դրվագ: Դավիթը վերաշինում է իր հոր Մարութա վանքը, սակայն վանքի կառույցը շարունակ քանդվում է:

10

Գիշերը երագում Դավթին երևում է Աստվածածինը և պատվիրում վանքի պատի մեջ դնել Դավթի սուրը:

Այդպես էլ անում են, և վանքը մնում է կանգուն: Վիպերգի այս դրվագում իմաստավորված է հայ ժողովրդի դարավոր կենսափորձը. ամեն երկրի ստեղծագործ աշխատանքը ապահովելու համար պետք է ունենալ ռազմական, ինքնապաշտպանական խիզախություն: Այս խորիմաստ բանաձևը կա

տարբեր ժողովուրդների բանահյուսություններում: Յանճարեղ կինոռեժիսոր Սերգեյ Փարաջանովը այդ իմաստությունը պատկերել է իր ֆիլմերից մեկում՝ Սուրամի ամրոցի շինությունը նկարելիս. պատը կանգուն է մնում, երբ նրա մեջ կենդանի կենդանի շարում են երիտասարդ մարդուն: Սա, իհարկե, խորհրդանշալ է, և որպես

այդպիսին՝ անձնագրիության մարմնացում է ներկայացնում, խորհրդանիշի բացատրությունը ավելի քան պարզ է և իմաստալից. ոչ մի մեծ նախաձեռնություն չի կարող իրականանալ առանց թանկ զոհողությունների:

Մեր եպոսում կա երկրագնդի բոլոր մարդկանց ուղղված մի պատգամ, այն է, ՝ սիրիր քո հայրենիքը , բայց հանդուրժիր, որ օտարն էլ իր երկիրը սիրի, մի թող օտարին, որ նվաճի քո հողը, լուծ դնի քո վրա, սակայն նույնը դու երբեք մի արա, սիրիր օտարին հարևանությամբ, բարի դրացիության ազնիվ սկզբունքով¹: Այս առումով «Սասնա ծռերը» իր պատգամներով բացառիկ է աշխարհի վիպերգերի մեջ: Մարդասիրական այս պատգամները եպոսում հղվում են արաբ ծերունու և Սասունցի Դավթի փոխհարաբերությունների միջոցով:

Եպոսում հայ ժողովուրդն իր ազգային բնավորության գծերը մարմնավորել է Սասունցի Դավթի կերպարում: Բոլոր ազգերի էխոսների գլխավոր հերոսները հավաքական կերպարներ են, նրանցում խտացած են ամեն մի ազգի բնավորության լավագույն գծերը:

Դավթի կյանքն եպոսում պատկերված է ծննդյան օրից մինչև մահը: Նա Սասնա դյուցազունների մեջ ամենահմայիչն է, ամենատեսանելին, ամենագեղեցիկը: Դավթի մանկությունն իր մանրամասներով շատ հետաքրքիր է: Ծնված պահից որբացած Դավիթն իր մանկությունն անց է կացնում օտարության մեջ ՝ Մըսրում: Նա, սակայն,

սնվում է Սասունից բերված յուղով ու մեղրով: Դավիթը հրաշապատում հեքիաթի հսկայի մնան արագ մեծանում է, հզորանում, սակայն միաժամանակ նա իսկական միամիտ երեխա է, որին դեռևս անձանոթ են կյանքի մեծ ու մանր նենգությունները:

Ուժի կողքին Դավիթն ունի մի կարևոր բնավորության գիծ՝ ազատատենչ է, բռնակալին ենթարկվել չգիտի, նա չի անցնում Մսրա Մելիքի թրի

տակով. Դավիթ չը գնաց, չանցավ թրի տակով,

Կշտով անցավ.

ճկուժ քսվավ ի ջարդու քար՝

Քարեն կրակ էլավ:

¹ Ղևոնդ, Պատմություն, Թարգմանությունը, ներածությունը և ծանոթագրությունները Արամ Տեր- Ղևոնդյանի, Երևան, 1982, էջ

Ժողովուրդը Դավթի մեջ շեշտել է նրա բացառիկ առաքիլությունները: Դավթին անգամ Մսրա Մելիքի նենգությունից, իրեն փոսը գցելուց հետո էլ մնում է մեծահոգի և իր առաջին զարկերը գիշում է Մսրա Մելիքի մորն ու քրոջը՝ հիշելով մանկության օրերին նրանց խնամքը իր նկատմամբ:

Դավթը սիրված անձնավորություն է, որովհետև ինքն էլ սիրում է իր հայրենակիցներին, մարդկանց: Նա գիտի հարգել մեծերին. ուշադիր լսում է արաբ ծերունու, արտատեր պառավի խորհուրդները:

Եպոսն ունի դաստիարակչական նպատակներ. այն ուզում է իր ազնվագույն երազանքներով շտկել կյանքի ստվերոտ կողմերը, տարբեր ժողովուրդների միջև հաստատել բարիդրացիություն:

Եպոսի հարստությունից են կին հերոսների կերպարները: Ծովինարը՝ առաջինն այդ կերպարների մեջ, հանդես է գալիս հայրենի սրբությունների նկատմամբ իր շեշտված վերաբերմունքով: Արտասովոր կանայք են Արմաղանը, Խանդուղը, Գոհարը: Կին հերոսներից ուշագրավ է արտատեր պառավը, որն իր մեջ ամփոփում է հայ կնոջ դարավոր իմաստությունը: Նա ժողովրդի մշտադթուն ոգու կրողն է, իր ազգային հերոսին ոգևորող ժողովրդի մարդը¹: Այսպիսի կանանց համար ազգային հերոսը վեր է ամեն ինչից, նրանք ազգային հերոսներ արարողներն են՝ բոլոր ժամանակների համար:

Մեր ազգային հերոսներն ունեն ընդհանուր գծեր, սակայն նրանք խորապես անհատականացված կերպարներ են: Երբեք չի կարելի շփոթել Սանասարին Մեծ Միերի, Դավթի և Փոքր Միերի հետ: Նույն կերպ անհատականացված են նաև կին հերոսները:

«Սասունցի Դավթ» Եպոսը մեկնաբանելիս Յ.Օրբելին «Նախաբանում» համառոտ ներկայացնում է այն երազանքները, որոնք հայ ժողովուրդը դրել է ազգային Եպոսում:

12

Եպոսի դյուցազունները մերժում են նվաճողական պատերազմ հրահրողներին և նրանց ողջ պայքարը հենց սման զավթիչների դեմ է, Եպոսի գլխավոր հերոսը «ջերմ ու անաղարտ սիրտ ունի», օգնում է բոլոր անպաշտպան մարդկանց ու սխրագործություններ է կատարում հանուն իր հայրենիքի ու ժողովրդի բարօրության¹:

Քանի որ տարրական դասարաններում Եպոսի հերոսներից միայն Դավթին են ծանոթ, մենք չենք անդրադառնա մանրամասնորեն մնացած կերպարներին և կանգ կառնենք

¹ Յ. Օրբելի, Յայկական հերոսական Եպոսը, Երևան, 1961, էջ 64,

այս կերպարի վրա և հետագոտելով ցույց կտանք, թե ինչպես նրա կերպարի միջոցով սովորողների մեջ սերմանել հայրենասիրություն և ազգային արժեհամակարգ:

Գլուխ 4. 9-րդ դասարանում դասավանդելու մի քանի մեթոդներ

Ըստ Գրականությունն առարկայի հաստատված օրինակելի ծրագրի՝ էպոսի ուսուցմանը իններորդ դասարանում հատկացված է տասը դասաժամ: Երեխաներն ամառային արձակուրդի ընթացքում ընթերցել են էպոսը, դուրս գրել ամհասկանալի բառերը և ուսուցչի ու բարբառային բառարանների միջոցով բացատրել դրանք:

Ապա հնչում են հարցադրումներ: Տողատակով ներկայացնում են հնարավոր պատասխանները, որպեսզի ավելի հստակ պատկերացում կազմվի էպոսի բարոյագտական արժեքի վերաբերյալ. ա) Ի՞նչ է անում հերոսը «Սասունցի Դավիթ» էպոսի գլխավոր հերոսը՝ Սասունցի Դավիթը, վերկում է Հայաստանն արաբական լծից:

բ) Ի՞նչ է ասում կամ մտածում հերոսը Սասունցի Դավիթը ողջ էպոսի ընթացքում արտահայտում է բազմաթիվ իմաստուն մտքեր, որոնք այսօր էլ մեծ արժեք ունեն:

Գրի ենք առնում Դավթի իմաստուն մտքերն ու առանձնացնում դրանց մեջ ամենաէականները՝

1. Դավիթը բացատրում է, թե որևէ այլ երկիր իրավունք չունի խտնվելու իր հայրենիքի գործերին. ամեն երկրի գահակալ թող զբաղվի միայն իր երկրի գործերով. - Դե, գնա, թագավորիդ բարև արա, ասա. էն Մհերի տղա Դավիթն էսպես արեց. Մեկ էլ չը գա՝ Սասնա կընիկ, աղջիկ տանի՛. Սասնա տուն դեռ չի ավերվե, Որ դուք էկե մեզեն խարջ ու խարաջ կ'ուզեք: Մըսրա գավառ իրեն, Սասնա գավառ մեզի: Թե չէ՝ ինչ իրմեն կը գա, թող չը խնայի:

2. Դավիթն արթնացնում է Մսրա գորգին և միայն դրանից հետո է նետվում մարտի դաշտ:

13

3. Դավիթն ազատ է արձակում Մսրա Մելիքի գորգին և զգուշացնում, որ մյուս անգամ չգան Սասունի վրա, այլապես կպատժվեն, ինչպես Մսրա Մելիքը:

4. Դավիթը պատժում է իր վրա կռիվ եկած թեմամիներին, նրանց փոխարեն թագավոր է կարգում հասարակ մարդկանց և խոստանում պաշտպանել նրանց վտանգի պահին. Քաղփի մեջ ով մնացեր էր, էնոնց համար թագավոր դրեց. Ջոջ մարդեր սպանեց, Պատիկներ տեղ դրեց, ասաց. -Քանի դու ժիր եմ, կռիվ մի՛ք: Որ դու նեղ կը՛նկնեք, Ինձի մի թուղթ գրեք, ես կը գամ:

գ) Ինչպե՞ս են ուրիշները վերաբերվում կերպարին

1. Դավիթին սիրում են Սասունի հասարակ մարդիկ:

2. Դավիթի համար սրտացավ է Ջենով Հովանը:

3. Դավիթին ճիշտ ուղղության է մղում արտատեր պառավը:

4. Մսրա Մելիքն ասում է Դավիթին և նրա մեջ տեսնում հավերժական թեմամի:

5. Դավթին սիրում էր Չմեկիկ Սուլթանը, սակայն Դավթի ու Խանդուքի ամուսնությունից հետո նեղորեն սպանել է սալիս նրան:

6. Դավթին անամոք առաջարկներ է անում և հետապնդում Չեմով Հովանի կինը՝ Սարիեն:

7. Դավթին անասնման սիրում էր կինը՝ Խանդուքը, որը վերջինիս մահվանից հետո ինքնասպան է լինում:

8. Դավթի մահվան վրեժը հանում է որդին՝ Փոֆր Միերը:

դ) Ինչպե՞ս է կերպարը փոխվում

1. Դավիթը սկզբում շատ միամիտ էր:

2. Դավիթը լիովին փոխվում է, երբ արտատեր պատավը նրան խորհուրդներ է սալիս ու ստավել բորբոքում հայրենասիրական կրակը:

3. Խանդուքին տեսնելուց հետո Դավիթը դառնում է իր կնոջն անմեղացորդ նվիրված ամուսին:

ե) Հեղինակի թեման կամ տեսակետը

Հեղինակը ժողովուրդին է, որ դարերի ընթացքում ավելի հղի է ու պանծացրել է իր սիրելի հերոսի կերպարը:

Հագար անգամ իրավացի է ժողովուրդը, որի կարծիքով իդեալական մարդիկ չկան, եթե անգամ դա իրենց սիրելի հերոսն է՝ Սասունցի Դավիթը: Ժողովուրդը ցավով ներկայացնում է, թե ինչպես շիտակ, ազնիվ, անձնագահ, նվիրված Դավիթը մի անգամ սխալվում և երդմնագահ է լինում:

Նա նշանակած էր Չմեկիկ Սուլթանի հետ, սակայն Խանդուքին հանդիպելուց հետո մոռանում է Չմեկիկ Սուլթանին տված խոստումը, և նեղ Չմեկիկին իրենց ընդհանուր աջկա ձեռքով սպանում է Դավթին. - Իմ ցեղ իմ անձից է, էյ իմ սերմն էր, որ ինձի սպանեց: Դավիթ էյ խոսք ասաց, Ու ինքն էլ էնտեղ մեռավ: Դասարանը կահավորում ենք էպոսի թեմաներով ստեղծված նյութերով՝ Հ.Կոջոյանի նկարների, Հր.Քոչարի «Սասունցի Դավիթ» արձանի վերատպությունները, գրքեր (էպոսի տարբեր հրատարակություններ, գրական մշակումներ՝ Թումանյանի «Սասունցի Դավիթ»-ը, Իսահակյանի «Սասնա Միեր»-ը, Չարենցի «Սասունցի Դավիթ»-ը, Հ.Օժակյանի «Սասունցի Դավիթ թատերգությունը»): Պատերին փակցված պաստառներին մեծերի խոսքերն են էպոսի մասին: Օրինակ՝ «Ոչ մի բանի մեջ ժողովուրդներն այնքան պարզ ու պայծառ չեն երևում, որքան էպոսում» (Հ. Թումանյան): Մինչ էպոսի ուսումնասիրության ավարտը դասառեկյակի՝ էպոսին հատկացված անկյունում ավելանում են առակերտների՝ էպոսի թեմաներով արած նկարները, ստեղծած տիկնիկ կերպարները: Թղթապանակների մեջ առակերտները հավաքում են իրենց գրած ռեֆերատները, շարադրությունները, մտերը, բանաստեղծություններն էպոսի թեմաներով: Առակերտների մի խումբ էլ աշխատում է էպոսից իրենց ընտրած հատվածի բեմականացումը պատրաստելու համար: Տալիս են առաջադրանք՝ համեմատել հին և նոր էպոսները, ապա գրել ընդհանրությունները (Վենի դիագրամ մեթոդ): Հին էպոս ենք պայմանականորեն համարում ժողովրդական բանահյուսությունից մեր անցած նախորդ նյութերը՝ Գողթան երգերը, առասպելները՝ ամբողջացրած «Վիպասանք»

վերնագրի տակ: Հանձնարարում են համեմատել հին և նոր էպոսներում ժողովրդական մտածողության դրսևորումները և այլն: Աճակերտները հիմնականում կարողանում են արտահայտել իրենց մտքերը:

Բուրդ դեպքերում նրանք չեն կարցնում իրենց մարդկային կերպարը. արդարամիտ են, վեհանձն, մանկական մաքուր պարզությամբ, բոնության դեմ՝ անողոք: Սասնա դյուցազունների չորս սերունդներն էլ բնութագրվում են հայրենիքին ու ժողովրդին անձնուրաց ու անմնացորդ նվիրվածությամբ, նվաճողների և բռնակալների նկատմամբ հետևողական վնասակարությամբ մղած պայքարով: Հազարամյակներ շարունակ անհավասար մաքառումների մեջ սեփական գոյության իրավունքը հաստատելու համար մղած պայքարն են ներկայացնում նրանք՝ պահպանելով մեր ազգային արժեքները, որոնք ժամանակի ընթացքում փոխում են իրենց ձևը, բայց բովանդակությունը նույնն է մնում:

15

Հատկապես Սասունցի Դավթի կերպարի միջոցով սիրելի հերոսի սխրագործությունները պատկերելիս ժողովուրդը ազատություն է տալիս իր երևակայությանը, հիպերբոլիկ պատկերներով պանծացնում նրան: Իսկ բռնակալ Մելիքին և նրա կամակատարներին սպանիչ ծաղրով է ներկայացնում: Ասվում է, որ մեր էպոսում ամրագրված արժեքները դեռևս պահպանում են իրենց կենսունակությունը (վկան՝ ապրիլյան ֆառօրյա պատերազմը, վերջին պատերազմը): Հետևություն են անում, որ այսօր ինչ կատարվում է, էպոսի մեջ դրա հիմքը կա: Բերում են օրինակներ: Համեմատում են դրական և բացասական կերպարներին՝

- ուժի տեսակետից (Դավիթ և Մելիք),

- երգմանը հավատարիմ լինելու տեսակետից (Արմադան, ապա՝ Խալիֆ և Մելիք): Իրենք են առաջարկում համեմատության այլ հիմքեր և տալիս պատասխաններ: Խոսում ենք մեր հերոսների նկատմամբ վերաբերմունքի մասին (էպոսում, այսօր): Նկատում ենք, որ կա միտում՝ մեր մեջ եղած ուժեղին թուլացնելու: Էպոսից Խանդութի երկրպագուների կողմից Դավիթին խմբեցնելով թուլացնելու օրինակն են բերում, այլ օրինակներ՝ մեր պատմությունից և այսօրվա իրականությունից:

Էպոսի գաղափարական գծերից է ազատասիրությունը: Այնտեղ ազատությունը ներկայացվում է որպես բնական իրավունք ամեն մի մարդու համար: Հերոսները, պաշտպանելով իրենց ազատությունը, ուրիշներին չեն զրկում այդ իրավունքից:

Սասունում բուրքը հավասար են և ազատ: Իրենց համար հատուկ կարգավիճակ մարդկային որևէ խմբում (ընտանիք, ազգակիցներ, համերկրացիներ և այլն) չեն էլ գիտակցում, ուր մնաց՝ պահանջեին: Նրանք ազատ էին ու վեր մարդկանց ստեղծած արհեստական օրենքներից: Աճակերտներին առաջարկում են կարծիքներ փոխանակել ազատության մասին այսօրվա պատկերացումների շուրջ:

Գաղափարական բովանդակության գծերից է պետականության նկատմամբ ունեցած վերաբերմունքը, որը մեր էպոսում կարևորվել է և դրսևորվել տարբեր հերոսների արարքներում և խոսքերում: Օրինակ՝ Ծովինարը Խալիֆին հարցնում է, թե նրանց երկրում կարգ, օրենք չկա^o, որ հղի կնոջն ուզում են սպանել: Ձեռով Օհանը Դավիթին ասում է. «Եթե մենք մեր դրած օրենքը չպահենք...»

Կամ, ասենք, Քեռի Թորոսի օրինակը. Սասնա բուրք հերոսները մեռան, Քեռի Թորոսը չմեռավ, իսկ երբ Փոֆր Միերը մնաց անժառանգ և անմահ (հայրական անեծքը գործեց), Քեռի Թորոսը «կսկծու» մեռավ (որովհետև պետականությունն էլ չէր շարունակվելու):

Նրանք պայքարում են ժողովրդի շահի համար, իրենց համարում են նրա մի մասնիկը: Հարուստ ու բազմազան են էպոսի գաղափարական բովանդակության այս կամ այն գիծը ներկայացնող օրինակները: Դրանք դուրս են գրում և ներկայացնում

առակերտական խմբերը, որոնցից յուրաքանչյուրին հանձնարարվում է գաղափարական բովանդակության մի գծի վերաբերյալ էպոսից բերել օրինակներ: Առաջարկում են պրոբլեմային զանազան հարցեր, օրինակ՝

16

- Սասունը հիմնում են Սանասարը և Բաղդասարը, ինչն^օ է հենց Դավիթը կոչվում Սասունցի,
- նոր ծագող արևը կար (Մեծ Միեր), էլ ինչն^օ էր պետք մայր մտնող (Փոքր Միեր) արևը,
- հողեղեն Դավթից հետո ինչն^օ մեր ժողովրդի վերջին հերոսը (Փոքր Միերը) լույս դարձավ,
- ժողովուրդներն իրենց մտածողությամբ նմա^օն են, բերել օրինակներ,

● ինչն^օ է Մելիքը հորի մեջ մեռնում (որովհետև չար ուժերը գետնի տա^օկ են): Գաղափարական բովանդակությունն ուսուցանելիս շեշտում են, որ մեր հայրենիքը մեր քրիստոնյա էությունն է, աստվածատուր մեր ինքնության կերպը, մեր տեսակը, որ պիտի կրենք: Հայրենիքի ոչ միայն տարածֆային-նյութական ընկալում պիտի ունենանք, այլև հոգևոր: Հայրենիքը մարդկանց տվյալ հանրության հոգևոր աշխարհի կերպն է: Գաղափարները, որոնք ներկայացվում են էպոսում, այն դարձնում են մեր ժողովրդի ինքնության վկայագրերից մեկը և մեր ժողովրդի՝ էությունը քրիստոնյա լինելու ապացույցն են: Ինչն^օ ծներ: Դասագրքում մեկնաբանված է, որ ժողովուրդն իր սիրելի հերոսներին «ծուռ» է կոչել՝ նկատի ունենալով նրանց՝ սովորականից շեղված, արտասովոր, խենթ, ֆաջագուն լինելը: Ավելացնում են ևս մեկը: Քանի որ մեր «ծուռ» հերոսները մեր ժողովրդի մարմնավորումն են, նրանց մեջ ժողովուրդը տեսել է ինքն իրեն՝ քրիստոնյային՝ աստվածաստեղծ մարդուն, որն ի սկզբանե շեղվեց աստվածադիր օրենքներից և ծովեց (մեղք գործեց), ուստի էպոսի գլխավոր հերոսները, մարդ-կատարյալների դասին պատկանելով անգամ, ծուռ են: Այսինքն՝ նրանք վերացական կերպարներ չեն, այլ իրական մարդիկ՝ իրենց թերություններով ու առավելություններով:

Այս ծուրը պայմարում են չարի դեմ: էպոսում չարի դեմ պայքարն է առաջին պլան մղված: Այդ չարը նվաճող, հարկապահանջ, իր իսկ ժողովրդին հարկադրանքով պատերազմի տանող Մարա Մելիքն է: Նրան չի սիրում և իր՝ Մարա ժողովուրդը: Դարեր շարունակ հայերը պետականություն չեն ունեցել: Հայապահպանման անվիճելի գործոն է հայ եկեղեցու գոյությունը: Անգնահատելի է նրա դերը մեր ժողովրդի կյանքում:

Պատահական չէ, որ գլխավոր հերոսը՝ Դավիթը, իր գործունեությունն սկսում է՝ Մարութա սարի վանքը վերականգնելով: Խորհուրդն այս է. Դավիթը ոչ միայն վանքը կառուցեց, այլև վերականգնեց հավասն իր եկեղեցու նկատմամբ: Հիշենք, թե միջնադարում որքա՞ն աղանդներ կային, որոնք մեր Առաքելական եկեղեցու դեմ էին: Անգամ էպոսի գլխավոր հերոսի անունն է Աստվածաճեղից: Փոքր Միերը գավակ չի ունենում: Գուցե պիտի հասկանանք, որ հայ մարդն իր ֆիզիկական էությունը հասել է կատարյալ վիճակի, այլևս նրան մարմնական, երկրային կատարելություն պետք չէ, և կարիք չկա նորոգվելու, նոր սերնդի մեջ ի հայտ գալու: Աստվածատուր նրա նյութեղեն ձևը Փոքր Միերի կերպարում արդեն կատարյալ է: Մենք կատարյալ չենք հոգևոր առումով: Փոքր Միերը հայ ժողովուրդն է, որ պիտի ապրի աշխարհագրական այս կետում՝ սեղմված ժայռերի մեջ, և պիտի սպասի Քրիստոսի երկրորդ գալստյանը:

«Ցարեն դառնա ֆանց մասուր մի և գարի՝ ֆանց ընկալոյ գ մի» արտահայտությունը փոխաբերական միտք է, այսինքն՝ պիտի կատարվի բոլոր քրիստոնյաների երազանքը. նոր աշխարհ պիտի ստեղծվի:

17

Առակերտները, բացահայտելով էպոսի գաղափարական բովանդակության հիմնահարցերը, կունենան տեսլական՝ ինչպիսի^օն դառնալ, դեպի ո՞ւր շարժվել: Զե՞ք որ մեր այսօրվա իրականությունը, մեր հեռուստահաղորդումները, մթնոլորտը այն բարեբեր հողը չեն, որտեղ պիտի ծլի ու աճի հայի տեսակը: Մատաղ սերունդը օգի պես կարիք ունի՝ սնվելու մեր ժողովրդական բանահյուսությամբ, մեր դասական գրականությամբ ու արվեստով:

Եզրակացություն

«Սասունցի Դավիթ» էպոսի պատգամների միջոցով հայկական դպրոցներում և բուհերում կդաստիարակվեն ազգային ու համամարդկային նիւտ գաղափարներով զինված քաղաքացիներ:

Սասունցի Դավիթ էպոսը ունի դաստիարակչական, մարդկային բարձր արժեքներ սերմանող ու հայրենասիրություն քարոզող մեծ նշանակություն: Մի՞թե հավերժորեն նշանարիտ չէ, որ ժողովուրդները պետք է ապրեն խաղաղության և բարեկեցության մեջ:

Իմ խորին համոզմամբ՝ մարդը կայացման երկար ճանապարհ է անցնում, իսկ անհատականություն է դառնում, երբ հոգով, ավիւշով ու արմատներով կապվում է իր երկրի մշակույթին, ազգային կենսակերպին ու կենսածնին: Աշխարհի յուրաքանչյուր ազգ ու ժողովուրդ երկրի ու երկնքի տարածության մեջ ստեղծում է իր հոգևոր դաշտը, արարում արժեքներ, որոնք ժամանակի ընթացքում դառնում են նաև համամարդկային:

Գրականության ցանկ

1. Невелева С. Л., Махабхарата. Изучение древнеиндийского эпоса. М., 1991
2. ՅՈՒՆԵՍԿՕ-ի պատճենական կայք՝ en.unesco.org
3. Ա. Դուրխանյան, Ֆրեդերիկ Ֆեյդին հայագետ, Երևան, 2008, էջ 185
4. Հ. Բախչինյան. Ա. Սարինյան, Հ.Թամրազյան, Հայ Գրականության դասագիրք 9, Երևան 2000:
5. «Սասունցի Դավիթ», Հայկական ժողովրդական էպոս, էջ 210, Երևան, 1969 : 6. «Սասունցի Դավիթ», Հայկական ժողովրդական էպոս, էջ 270, Երևան, 1969